



Udruženje "Zaboravljena djeca rata"

Radnička 19b, 71000 Sarajevo

+387 (0) 33 873 708 / +387 (0) 62 549 374

info@zdr.ba / www.zdr.ba

POZIV ZA UČEŠĆE NA EDUKATIVNOJ RADIONICI "TRAUMA I UMJETNOST"

Datum: 21.05.2025.

Lokacija: Fakultet političkih nauka, Socijalni rad, Sarajevo

Vrijeme: 10:00 – 13:30

Udruženje *Zaboravljena djeca rata* upućuje poziv studentima da učestvuju u interdisciplinarnoj edukativnoj radionici "Trauma i umjetnost", koja se realizira u okviru istoimenog programa baziranog na međunarodno priznatoj dokumentarno-plesnoj predstavi [*U ime oca*](#).

Radionica predstavlja inovativni spoj umjetnosti, obrazovanja i društvenog angažmana, te ima za cilj ponuditi studentima novo iskustvo razumijevanja traume kroz umjetnički izraz – prvenstveno kroz pokret, glas, tijelo, tišinu i prostor.

O PREDSTAVI I PROGRAMU "TRAUMA I UMJETNOST"

Predstava *U ime oca* nastala je kao rezultat transdisciplinarne saradnje između Udruženja *Zaboravljena djeca rata*, međunarodnog režisera Darrela Toulona, Univerziteta u Birminghamu (UK), Univerziteta u Leipzigu (DE), i drugih akademskih i umjetničkih partnera. Projekat je podržan kroz program Horizon 2020 (Marie Skłodowska-Curie), te Austrijski kulturni forum Sarajevo.

Ova dokumentarno-plesna produkcija kombinira stvarna svjedočenja djece rođene zbog rata u BiH sa savremenim teatarskim izrazom, čime se otvara prostor za društveni dijalog o jednoj od najstigmatiziranih tema postratnog društva. Predstava je izvođena u nekoliko gradova BiH, regije i svijeta, te prepoznata kao primjer društveno odgovorne umjetnosti u radu s traumom.

Radionice koje su proizašle iz ovog procesa dodatno razvijaju edukativni potencijal predstave, nudeći studentima konkretno iskustvo suočavanja s teškim temama na siguran, etički i transformativan način.

O RADIONICI

Radionica je namijenjena studentima psihologije, socijalnog rada, pedagogije, glume, političkih nauka i drugih srodnih društveno-humanističkih disciplina, koji žele da:

- Razviju emocionalnu pismenost i kapacitete za empatijsko razumijevanje traume
- Uče o ulozi tijela, pokreta i simbolike u izražavanju individualnog i kolektivnog bola
- Prepoznaju snagu umjetnosti kao prostora svjedočenja, izgradnje dijaloga i društvene transformacije
- Učestvuju u razvoju budućeg izbornog predmeta "Trauma i umjetnost" na Univerzitetu u Sarajevu

Radionica uključuje fizičke vježbe, vođenu improvizaciju, refleksivne zadatke, grupne diskusije i analizu odabranih scena iz predstave *U ime oca*. Poseban fokus stavlja se na iskustvo studenata – njihovu percepciju, promišljanje i odnos prema temi traume.

Budimo društvo jednakih vrijednosti, a ne društvo različitih etiketa.

ID: 4202204220006 – UniCredit bank: 3387 3022 0765 0934 - IBAN: BA39 3387 3048 0765 1350 -

SWIFT: UNCRBA22



Udruženje "Zaboravljena djeca rata"

Radnička 19b, 71000 Sarajevo

+387 (0) 33 873 708 / +387 (0) 62 549 374

info@zdr.ba / www.zdr.ba

RADIONICU VODE:

- **Darrel Toulon** – međunarodno priznati režiser i edukator, dugogodišnji umjetnički direktor i stručnjak za rad s traumom kroz teatar
- **Ajna Jusić** – predsjednica Udruženja *Zaboravljena djeca rata*, aktivistica i učesnica predstave
- **Nikolina Gagić** – glumica iz originalne postave predstave *U ime oca*
- **Ivana Koh** – psihologinja i evaluatorica radionice, odgovorna za praćenje učeničkih reakcija i evaluaciju učinka radionice

DETALJI UČEŠĆA

- **Mjesto i datum održavanja radionice:** Sarajevo, 21.05.2025.
- **Trajanje:** Jednodnevna radionica u trajanju od 3h i 30min (uključujući pauze i evaluaciju)
- **Jezik rada:** Bosanski i engleski (uz prevod kada je potrebno)
- **Broj učesnika:** Ograničen – do 15 učesnika po radionici
- **Cijena učestvovanja:** Učešće je besplatno. Materijali i osvježanje su obezbijeđeni.

NAPOMENA

Radionice su dio šireg programa koji uključuje razvoj akademskog silabusa, evaluaciju rada sa studentima i planiranje novih izvođenja predstave *U ime oca* s novom generacijom glumaca. Vaše učešće u ovom programu ima i dugoročan utjecaj na formiranje obrazovnih i umjetničkih politika u oblasti rada s traumom.

Budimo društvo jednakih vrijednosti, a ne društvo različitih etiketa.

ID: 4202204220006 – UniCredit bank: 3387 3022 0765 0934 - IBAN: BA39 3387 3048 0765 1350 -

SWIFT: UNCRBA22